

REGLUGERÐ

um fylgiráttargjald og Myndlistarsjóð Íslands.

1. gr.

Við sölu myndlistarverka og listmuna á listmunauppboðum og við endursölu þeirra í atvinnuskyni ber að greiða 10% fylgiráttargjald af andvirði hins selda er falli í hlut höfundar viðkomandi listaverks eða erfingja hans að honum látnum. Réttindi þessi eru ekki framseljanleg.

Myndlistarsjóður Íslands annast innheimtu fylgiráttargjalds og skil þess til höfundar eða erfingja hans eftir þeim reglum sem nánar er kveðið á um í reglugerð þessari.

Ef höfundaréttur að listaverki, sem selt er á listmunauppboði er fallinn niður sbr. 43. gr. höfundalaga nr. 73/1972, íslenska ríkið á höfundarétt að listaverki, sem selt er á listmunauppboðum eða í atvinnuskyni eða þegar fylgiráttargjaldinu verður ekki ráðstafað til höfundar eða erfingja hans sbr. 2. mgr. 5. gr. reglugerðar þessarar, rennur fylgiráttargjaldið til Myndlistarsjóðs Íslands.

2. gr.

Listaverk sem falla undir gjaldskyldu skv. 3. gr. laga um listmunauppboð nr. 36/1987 eða 25. gr. b. höfundalaga nr. 73/1972 sbr. lög nr. 57/1992 eru:

- a) Öll málverk, þ.e. frumverk, sem gerð eru með olíulitum, akryllitum, tempera, vatnslitum, gouache og pastellitum svo og myndverk, sem gerð eru með annarri tækni.
- b) Höggmyndir, ef um er að ræða frummynd eða merkt afsteypu í bronze, gips, terrakotta, leir, stein, marmara, tré, járn eða sérhvert annað efni.
- c) Merktar og ómerktar teikningar listamanna, þ.e. blýants-, blek-, tusch-, krítar- og kolateikningar svo og annars konar teikningar og hvers konar grafísk listaverk, svo sem lithograffur, koparstungur, ætingar, raderingar, tréþrykk, svo og hvers konar önnur grafíkverk, enda séu verkin merkt af viðkomandi listamanni.
- d) Myndvefnaður, textilverk, gler- og mósaikmyndir svo og leir, keramik, postulíns-, silfur- og gullverk sem teljast til listiðnaðar, enda sé um frumverk að ræða og það merkt af viðkomandi listamanni.

3. gr.

Fylgiráttargjald ber að greiða af sölu allra listaverka sem getið er um í 2. gr. hafi listaverkið verið selt á listmunauppboði eða það endurselt í atvinnuskyni með öðrum hætti, enda sé höfundur þess íslenskur ríkisborgari eða ríkisborgari eins af aðildarríkjum alþjóðlegra sáttmála um höfundarétt sem Ísland er jafnframt aðili að og sem veitir íslenskum höfundum sams konar réttindi í því ríki.

4. gr.

Uppboðshaldarar listmunauppboða þ.e. þeir sem að lögum hafa fengið leyfi til að halda listmunauppboð og þeir sem annast endursölu listaverka í atvinnuskyni skulu inna greiðslu fylgiráttargjalds til Myndlistarsjóðs Íslands og eru þeir ábyrgir fyrir greiðslu fylgiráttargjaldsins.

Ásamt greiðslu fylgiráttargjalds skulu þeir jafnframt skila Myndlistarsjóði Íslands skilgrein um alla sölu listaverka ásamt nafni og auðkennum verks, stærð þess ásamt öðrum upplýsingum úr uppboðsskrá svo og um höfund verksins og söluverð þess.

Fylgiráttargjaldi og skilgrein skal skila í síðasta lagi 30 dögum eftir að listamunauppboð fór fram, ef um sölu á listmunauppboði er að ræða en ársfjórðungslega ef um endursölu í atvinnuskyni er að ræða.

5. gr.

Myndlistarsjóður Íslands annast innheimtu fylgiráttargjalds og skil þess til viðkomandi listamanns. Stjórn Myndlistarsjóðs Íslands er heimilt að ákveða hæfilegt endurgjald vegna innheimtu og skila á fylgiráttargjaldi, en sé þó aldrei hærra en 25% af því fylgiráttargjaldi sem innheimt er.

Nú er ekki unnt að hafa upp á viðkomandi listamanni þrátt fyrir ítrekaðar tilraunir þ.m.t. auglýsingu í dagblöðum og Lögbirtingablaði og skal þá fylgiráttargjaldið renna til Myndlistarsjóðs Íslands, enda séu liðin tvö ár frá greiðslu viðkomandi fylgiráttargjalds til sjóðsins.

Séu erfingjar látins höfundar, sem njóta skulu fylgiráttargjalds fleiri en einn, skulu þeir koma sér saman um að veita einum þeirra umboð til þess að taka við greiðslu úr sjóðnum.

Menntamálaráðherra getur ákveðið að fengnum tillögum sjóðsstjórnar að sjóðurinn taki að sér innheimtu annars konar endurgjalds fyrir höfundarétt.

6. gr.

Menntamálaráðherra skipar stjórn Myndlistarsjóðs Íslands til tveggja ára í senn. Skal stjórnin þannig skipuð: Tveir samkvæmt tilnefningu Sambands íslenskra myndlistarmanna og einn án tilnefningar. Menntamálaráðherra skipar formann stjórnar. Varamenn skulu skipaðir með sama hætti. Stjórnin skiptir að öðru leyti með sér verkum.

Fundur stjórnar Myndlistarsjóðs Íslands er lögmætur ef löglega er til hans boðað og allir stjórnarmenn eða varamenn þeirra sitja fundinn. Afl atkvæða ræður úrslitum mála hjá sjóðsstjórn. Halda skal gerðarbók um stjórnarfund. Stjórninni er heimilt að leita sérfræðialíts við úthlutun úr sjóðnum.

Stjórninni er heimilt að ráða starfsmann gegn hæfilegri þóknun til þess að annast framkvæmd á innheimtu fylgiráttargjaldsins og skilum á því til viðkomandi listamanna eða fela samtökum myndhöfunda slíka umsýslu.

7. gr.

Eigið fé sjóðsins skal nýta til reksturs sjóðsins og til annarra málefna, sem að mati sjóðsstjórnar stuðla að framgangi hagsmunamála myndlistarmanna, svo sem með styrkjum og/eda starfslaunum til einstakra listamanna eða styrkjum til samtaka þeirra.

Stjórnin skal árlega taka saman skýrslu um starfsemi sjóðsins, sem skal geyma endurskoðaðan ársreikning og skrá um úthlutanir úr sjóðnum. Skýrslan skal send menntamálaráðuneytinu og Sambandi íslenskra myndlistarmanna.

8. gr.

Brot gegn ákvæðum reglugerðar þessarar varða refsingu að lögum.

9. gr.

Reglugerð þessi er sett með heimild í 3. og 7. gr. laga nr. 36/1987 um listmunauppboð og 25. gr. b. höfundalaga nr. 73/1972 sbr. lög nr. 57/1992 um breytingu á þeim lögum og öðlast þegar gildi. Felld er úr gildi reglugerð nr. 97/1988 um fylgiréttargjald og Starfslaunasjóð myndlistarmanna.

Menntamálaráðuneytið, 7. júní 1993.

Ólafur G. Einarsson.

Guðríður Sigurðardóttir.

15. júní 1993

Nr. 245

REGLUGERÐ

um (15.) breytingu á reglugerð um gerð lyfseðla og ávísun lyfja, afgangið þeirra og merkingu nr. 421/1988.

1. gr.

Við b-staflíð 15. gr. reglugerðarinnar bætist:
Cetobemidonum INN (t.d. Ketogan).

2. gr.

Eftirfarandi skal bætt við viðauka 4 við reglugerðina:

Efni	Hámarks magn og/eða takmarkanir	Dæmi um lyf og lyfjaform er selja má án lyfseðils	Áletrun og/eða upplýsingar á lyfseðli, sem afhenda skal með lyfinu
Ketoconazolum	Lyfjaform til úrtvortis notkunar. Mest 20 mg/ml. Mest 60 ml.	FUNGORAL, sápa.	Til meðferðar á flösu. <i>Notkun.</i> Bleytið hárið og hársvörðinn og berið sápu vel í. Látið sápu verka í 3-5 mínútur áður en hún er skoluð úr. Notið sápu tvisvar sinnum í viku fyrsta mánuðinn, en síðan einu sinni í viku eða eftir þörfum. Notið aðra sápu til hárvotta þess á milli. Hafi flasa ekki horfið eftir mánuð skal leita læknis. <i>Varúð:</i> Ef sterylf hefur verið borið í hársvörð skulu líða 2 vikur frá því notkun þess er hætt þar til sápan er notuð. <i>Athugið:</i> Getur valdið ertingu í hársverði og kláða. Hár getur orðið þurr og stökkt og lítilsháttar hárlos getur komið fyrir.

3. gr.

Reglugerð þessi, sem sett er samkvæmt heimild í 16. og 17. gr. lyfjalaga nr. 108/1984, öðlast gildi 1. júlí 1993.

Heilbrigðis- og tryggingamálaráðuneytið, 15. júní 1993.

Guðmundur Árni Stefánsson.

Einar Magnússon.